

Engaschau excuors linguistic cun P. Flurin Maissen

Igl ei admirabel cun tgei anim che Pader Flurin Maissen sescaulda cun varga 90 onns per la caussa romontscha. Ina nova emprova da quei ha el dau mesjamna-sera el rom dils Cuors romontschs a Laax.

(anr) Pader Flurin ei il capoiniziant e staus biars onns parsura dalla Fundaziun Retoromana - la purtadra dils Cuors romontschs en Surselva. Quei che ha entschiet el Benefeci claustral a Rumein sespleiga ussa dapi 15 onns en Casa Caltgera a Laax. Ins senta che quei piunier en biars graus retuorna bugen el ravugl da sia ovra - e ch'el ha aunc adina da dir zatgei sur e dalla Romontschia.

Evenimentar Pader Flurin

In cerchel fetg interessau ed engrazieivel ha il prernurau tgamunader dils Cuors romontschs, Francestg Fnberg, Danis, saviu beneventar per igl «Excuors linguistic cun Pader Flurin Mais-sen». Quel sappien ins buca presentar, mobein stoppi evenimentar, di il caporesponsabel.

Che Pader Flurin selai buca zunghiar en fuormas e schablonas ha el demussau sia veta ora. Fideivels a sesez ha el presentau ed interpretau era quella sera fetg independentamein - e savens detg subjectivamein - divers aspects dalla caussa romontscha en general e dil romontsch sursilvan en special. El ha plidau per tudestg, mo declarau il coc mintgamai en romontsch.

Atgnas tesas e rispostas

Ils Romontschs han adina empriu il lungatg dils vischins - per buca s'isolar. Perquei dueien ins buca ver tema d'era emprender il romontsch. Ei seigi zatgei tut special ed influenzau da gronds lungatgs europes. Sco exempel alleghescha Pader Flurin il plaid «schon», che vegn duvraus da vegl enneu en romontsch. Quel derivi dil latin «iam» e la differenza dil plaid scret (grafem) e plidau (fonem) - en tudestg e romontsch - seigi evidentata. Quei duessen ins dir aviartamein. Il gia, per schon, che deriva dil talian, seigi da medema provenientscha.

Tier nus ei il lungatg vegnius «instrumentalisaus» dalla politica e meins normaus dalla scienza, manegia Pader Flurin ord ina perspectiva historica-ideologica. Sin fundament dalla novissima statistica, elaborada da Gion Giachen Furrer, per incarica dil respectiv Uffeci federal, ei il romontsch buc en prighel, mo la tendenza da discriminar la Romontschia ei dada tras da tuKas sorts experiments. Da quei concluda Pader Flurin ch'il romontsch va buc alla malura, mobein ch'ins fa ir el a smerscha. La quintessenza ei ch'il romontsch semantegn sco εμπrem lungatg da scola ed al plaz da lavur e vegn aschia daus vinavon alla proxima generaziun. Anavos mondi il romontsch sulettamein en cumparegliaziun cul tudestg.

Ins sa ir d'accord u buca cun las tesas da Pader Flurin. Mo en in grau eisi da secundar, sch'el postulescha da tgirar vinavon il bi e prezios lungatg romontsch.